



UNIVERSITÄTS-
BIBLIOTHEK
PADERBORN

Synopsis Annalium Societatis Jesu In Lusitania

Francus, Antonius

Augustæ-Vindelicorum, M. DCC XXVI.

Annus 1678. Soc. 139.

[urn:nbn:de:hbz:466:1-72313](https://nbn-resolving.org/urn:nbn:de:hbz:466:1-72313)

fabilitas, supra quam dici potest, amabilis: de nullo diffidebat, Multam impendit operam volutandis, & norandis Sanctorum Patrum scriptis, cum ad sacras conciones, tum ad recreandam eorum sententiam animam. Elucebat in ejus factis, & verbis prudens & religiosa sinceritas. Acerbas aegritudines aequo animo perpessus est.

Fructus operationum Domus Professae.

9. Inter multa praecara, quae sunt quotidiana Domui Professae Ulyssiponensi, hoc anno junxit Christiano gregi plurimos Mauros. Nam capti eorum navi, sacerdotes nostri curas applicuerunt ad illos verae fidei lumine collustrandos. Magna pars abiecit Mahumeticas superstitiones. Protasius aethiops naturam ferocissimum resti damnatus nullis adduci potuit suasionibus, ut animam fordes per confessionem detergeret. Igitur Judicum imperio rapitur ad locum supplicii. Noster viae comes in Regiam convolat, exponit Principi hominis duritiam. Reus ex itinere in carcerem retrahitur. Post dies aliquot tantum sacerdos institit, ut expiata conscientiam subierit furcam. Monachus sine habitu erat in publico carcere; ab annis duobus non accessit ad Confessarii pedes; emollitus a nostro, ut conceptum animae virus per homologesim evomeret.

Incrementa Collegii Eboresis.

10. Ab anno 1674. regebat Eborense Collegium P. Emmanuel Ludovicus, domo Bejenfis, e cujus gubernio multa Collegium cepit incrementa. Ille magnis expensis, & non minori felicitate, factum intra septimum pomario a nomine S. Ignatii nuncupato, per fornices, & canales subterraneos, subter fundamenta Collegii a Purificatione apertos, aquam perennem derivavit ex profundo puteo in medio aedificii ad stagnum in pomario elaboratum. Idem in villa suburbana, quae dicitur Valbonia, venam perennis aquae inventam, pulchrum adornavit fontem D. Xaverio dicatum. Aulam praecipuam Academiae litterarum aegibus destinata nobili pictura variavit totam, effecitque pulcherrimam. Collegii laquearia, putrescentibus jam tabulis avulsis, vestire coepit fornicibus, initio sumpto a pergula januae communis.

Annus 1678. Soc. 139.

I.

Congregatio Provinciae.

Locatur Eucharistia in Eborensi tirocinio.

Primus lapis templi Portalegrensis Collegii.

Missiones.

Universae Provinciae conventu Ulyssipone coacto, elegerunt suffragatores Procuratorem Romam iturum P. Franciscum Lopium, Rectorem Elvensensem, qui successit in Assistentis munere Patri Antamo Gonsalvio nimum senis, & morbido. In sacello Eborensis tirocinii locatum est Eucharistiae tabernaculum 6. Januarii. Solemnitatem auxere poemata diversi metri ad id parata a nostris Junioribus, & appensa in lateribus sacelli. Regebat tirones P. Antonius Coutus Ulyssiponensis. Emit censum perpetuae lampadi nutriendae. Idem Magister curavit, amoto laqueari putrido, fornice sacellum contegi.

2. Portalegriae 8. Maji positus est primus lapis templo Collegii, Rectore P. Michaeli Diafo, qui venerat a regendis Eborae tironibus. Reperit vel ob incuriam non excusandam, vel ob domus inopiam plurima Sanctorum ossa condita in arca sine ullis ornamentis. Prima ejus cura fuit, sic illa exornare, ut cum debita decencia exponi possent. Huic pio operi & patrocinio Sanctorum tribuit Michael incrementa, quae deinde habuit Collegium: nam ex eo tempore, cum antea premeretur rerum penuria, & angustiis rei domesticae, coepit augeri, & in dies melius habuit. Tectum vetusti templi egebat instauratione; sed prudentius visum est Rectori illud dejicere, servato tantum majori sacello ad ministeria, & initium facere templo novo.

3. Per insulam Fayalensem sacerdotes duo sunt peregrinati. E Madrensi Collegio P. Josephus de Fontibus cum socio non sacerdote navigavit ad parvam insulam, ob infrequentiam desertam vocant: distat a Madera in Austrum leucis novem; ejus longitudo leucas tres, latitudo mediam habet: defenditur a praecipis rupibus, & praetis. Solum aditur duplici via valde difficili, unde rotatis lapidibus pauci numerosam multitudinem arcent ab accessu. Id propter

propter Insulani tutissimi vivunt à piratis Africanis ea maria infestantibus. Terra est plana, producit triticum, hordeum, & legumina, abundat pecore, cuniculis, & perdicibus; olim magno numero gignebat aves canarias, sed assiduo atcupio jam illic raræ sunt. Carèt fontibus, aquas pluviales hyeme excipiunt in cisternis ad id paratis: una solis hominibus aquam præbet, cætera pecori: nonnunquam sic exsiccantur, ut necessum sit è Madera aquam petere. Illò raro pergit phaselus, nisi mæsis tempore, si vel aquæ, vel rei alterius urget necessitas; face de loco edito dat signum, quo viso, protinus is, cui res curæ est, è Madera festinat.

4. Anima erant omnino quatuordecim cum pecori custodiendo, tum excolendæ terræ. Nullus ibi debebat sacerdos. Unus semel in anno eò pergebat, ut satisfacerent annuæ confessionis, & communionis præcepto. Dum nostri ibi morantur, accuratè instruxerunt eos, cumprimis in actu contritionis, cujus erat major necessitas. Idem Pater receptus in Maderam, occasione Visitatoris missi ab Episcopo ad insulam Portum sanctum, in eam navigavit cum socio sacerdote. Octodecim leucis distat à Madera ad septentrionem: numerat ad sexcentas animas: abundat tritico; inde partem annonæ recipit Madera. Adventu Patrum mirà sunt incolæ lætitiâ perfusi. Ab annis aliquot, quanquam solum est fertile, non reddebat solitum proventum. Id tribuebant irato Cælo, quòd ibi per summam iniquitatem occisus fuisset sacerdos. Excitati ad scelus dolorem expiunt animas, supplicationes institutæ. Placari visa fuit DEI iusta indignatio; nam sequens annus compensavit aliorum sterilitatem.

5. Vitæ metam attingere. In Maderensî Collegio 9. Novembris P. Christophorus Sequeira Pineliensis. Ab annis septem tradebat morales scientias optimo sui magisterii nomine. Quòd multà polleret autoritate apud Episcopum, & insulæ Præfectum, erat miseris instar communis asyli; sciebant, & experiebantur naturâ benevolum, ac beneficum. Sæpe concionando, & confessiones audiendo excurrit per Maderam, & insulam à Portu sancto. Id erat magni exempli, quòd inter hujusmodi labores se quotidie flagello ceciderit, aliòsque rigores consuetos adhibuerit sui corporis acerbus hostis. Affectâ jam valetudine, obivit concionem; inde mors accelerata.

Mors P. Christophori Sequeiræ.

6. In Domo Professæ D. Rochi 29. Januarii P. Hieronymus Lobus Ulyssiponensis, vir natus ad labores propemodum infinitos pro bono animarum, ac Dei gloria exantlandos. Adivit Indiam, & Æthiopiam ad mare rubrum; inde cum Patriarcha, & aliis Evangelicis præconibus relegatus, ac traditus in manus Turcorum. Restitutus Indiæ, venit in Europam quæsitum remedia Ecclesiæ Æthiopiæ: reversus sine fructu Goam: ibi à Prorege per summam injuriam crudelia passus rediit in Lusitaniam. Tempestates, & naufragia tulit immanissima. In ejus vita per me in lucem data hæc omnia referuntur.

P. Hieronymi Lobi.

7. Ibidem 28. Februarii P. Josephus Pereira, magnus vineæ Domini operarius, & moribus verè religiosus. Morbi subito impetitus insultu, vix malum evaserat, cum, urgente ad confessiones concursu, sedit pœnitentibus aurem commodans. Hinc ejusdem morbi alius impetus traxit originem, qui ipsum in officio suo exanimavit. P. Laurentius Guedius 24. Novembris, natus Villapouca de Aguiario. Docuit Ulyssipone Rhetoricam. Ob singulares dotes plurimi factus est à Principe Theodosio. Ivit in Hollandiam Confessarius Comiti Mirandensi Regis Legato. Eum in suum Concionatorem Rex elegit. Agonizantium, ut vocant, Sodalitatem in templo Domus Professorum curæ habuit, & auxit multum.

P. Josephi Pereiræ.

P. Laurentii Guedii.

8. In Collegio Portuensî 9. Octobris P. Ignatius Magalaniu, ortus Villameamii diœcesis Portuensis. Podagra & calculus incredibiles ei pœperit dolores patientissimè toleratos. Dum per vires licuit, strenuè obiverat nostra ministeria. Postquam suis pedibus nequiret adire sellam confitentium, rogabat eò aliorum manibus deportari, sedebatque, dum pœnitentes aderant. Ultra sex annos decubuit membris contractis.

P. Ignatii Magalanii.